

www.BibleForChildren.org

Matthew 8



Naluh di duway algaw ya nadatngan nan gutud di kasal hidid Cana hinan Provinciad Galilee. Ya wadah dih inan Jesus, ya wada goh da Jesus ya da'min intudtuduwana.



Ya unat goh napuh din bayah ya impa'innilan inan
Jesus ay Hiyay, "Napuh di bayah!" Ya ta'on un
umat hina ya inalin inanah nan tagalay,
"Unudonyuy alyonan da'yu."



Ya inalin Jesus hinan tagalay, "Punuwonyu hanan pannuman hi danum." At pinnuda ta na"apnu. Ya inalina goh ay diday, "How' onyu nan danum, ya inyuyyuh nan apuyun tagalan mangipapto' eten gotad ta tamtamana."



At inyuyda ta tinamtam nan apuda din danum an
numbalin hi bayah, mu
agguyna inilay nalpuwan
din bayah, mu inilan
daden nangwo' di
nalpuwana.



At impa' ayagna nan malhin an lala'i, ya inalinan hiyay,
"Hay ugali tu'u ya ipa'inum tu'uh mahhun nan
pinahapah ta impuh ay nan
tatagu ya un alan di hubul
ta hiyay ipa'inum. Mu
he"a ya goh ta unmu
iyangunuh di pinahapah
an ipa'inum?"




Ya henen numbalinan nan danum hi bayah ad Cana
hinan Provinciad Galilee ya hiyah
ne hopap di umipanoh'ah
nangipattigan Jesus hi
anabagtuna, ya kinulugmin
intudtuduwanaHiya.



Immuy da Jesus hi abung da Peter,
ya tinnignah inan han ahawan Peter
an nolo' ti lumahuy odolna.



Ya dinapanay ngamayna, ya himbumagga ya immadaog
din lewohona, at bimmangon, ya indadaanah
Jesus hi onona.




Ya unat goh nahdom ya nun'iyuydan Jesus an amin
din numpundogoh ya din
nun'ahu'lungan hi
dimunyu. At na'amung
an amin din tatagun
den gettaw di abung
hi awadan Jesus.



At impa'adaog Jesus din do'ol an numbino'ob'on di dogohda, ya nunla'ahna nan do'ol an nun'eh'op an dimunyu. Mu inhingalna ta adina pahapiton din dimunyu ti iniladan Hiyay Alin Pento' Apo Dios, ti adina pohdon un diday mangibaag.



Ya way ohah din tatagu ya impadahdan dinapa Hiya
ti paddungnay bimmuhu' nan badang hinan odolnah
mangiyadaog ay dida.



Ya otog di pun'ul'ulgudan Jesus hi Hapit Apo Dios ay
dida ya waday linala'in nangiyuy hinan nadahay ay
Jesus, ya opatdan nangidayun ay Hiya.




Mu na"apnu nan abung hi tagu, at mid inatdan nangihigup hinan wadan Jesus, at ginuhngawda din atap hinan tungul Jesus. Ya unat goh naguhngaw nan atap ya hiyay nangipa' wandan nanguy'uy hidin nadahay.




Ya unat goh tinnig Jesus
henen inatda ya inilanan
nidugah di pangulugda, at
inalinah din nadahay di,
"Mundenol'a, agi',
ti na'aliwan di
baholmu!" At
inalinah nan
nadahay di,
"Tuma'dog'a,
ya innalmu nan
dayunmu ta
umanamut'a."



Nunlugan da Jesus ya nan himpulu ta duwan
intudtuduwanah nan bangka. Ya unat
goh impadehda ya himbumagga
ya enlotnan pimmo', ya
nahuyatan din bangka,
at na'uy an malbong.
Mu nolo' hi Jesus.



Ya inalin Jesus di, "Uya'anah ta'otyu? Hiyah ne a'itang di pangulugyu!" At bimmangon, ya inhingalna nan puo' ya nan ongol an dalluyun ta dimminong an mid al'ali. Ya manoh'adan amin an alyonday, "Anagoh udot heten tagun ta'on un nan puo' ya nan ongol an dalluyun ya unudonday alyona?"



Hiyah ne aatna ti nidugah di pamhod
Apo Dios hinan tataguh tun luta, at
hennagna han oh'ohhan imbaluynan
dida, ta an amin di mangulug ay Hiya
ya adida milahhin ay Apo Dios,
at mi'tagudan Hiyah mid
pogpogna.



Romans 3:23

Ya an amin tu'u ya nabaholan tu'un Apo Dios, at hiyanan nakudang ahan di amaphod tu'uh pannigna.

Romans 6:23

Ya hay lagbun di nabaholan ya hay ilahhinanan Apo Dios hi mid pogpogna. Mu hay homo' Apo Dios ya nan pi'taguan tu'un Hiyah mid pogpogna an dumalat hi Jesu Kristun Apu tu'u.

Hebrews 9:27

An amin di tagu ya mahapul an matoy ya un mahkay humalyaon Apo Dios.

Ephesians 2:8,9

At dumalat di ama'ulay Apo Dios ya nabaliwan tu'u ti nan pangulug tu'u, ya bo'on hay aton tu'uh maphod ti unna idat an adi mapalgan.



John 3:16,17

Hiyah ne aatna ti nidugah di pamhod Apo Dios hinan tataguh tun luta, at hennagna han oh'ohhan imbaluynan dida, ta an amin di mangulug ay Hiya ya adida milahhin ay Apo Dios, at mi'tagudan Hiyah mid pogpogna. Ya bo'on goh hay maphod an ina'inat tu'u, at bo'on hiyay iting'i tu'u.

Romans 10:9,10

Ya gulat ta ulgudonyuy un makulug an hi Kristuy Apu tu'u ya kulugonyu goh an minahuan Apo Dios Hiyah din natayana at mabaliwan ayu. Ti nan tagun kumulug ya hiyay ibilang Apo Dios an nahamad di ugalina, ya nan tagun mangulgud hi un hi Kristuy Apuna ya hiyay mabaliwan. Ti hay nannagan Apo Dios hinan Imbaluyna ya bo'on hay pummoltaanah nan tataguh tun luta, ti hay dumalat ya ta baliwana dida.



1 John 5:11-13

Ya hay hinapit Apo Dios ya inalinay indadaanay pi'taguan tu'un Hiya ta mi'tagu tu'un Hiyah munnannong, ya henen pi'taguan ya wadah nan Imbaluyna.

At an amin di mangulug hinan Imbaluy Apo Dios ya mi'tagudan Apo Dios hi mid pogpogna, mu nan adi mangulug ay Hiya ya adida mi'tagun Hiya.

Manu ay itudo"u hatun da'yun mangulug hinan Imbaluy Apo Dios ya ta innilaonyun mi'tagu ayun Apo Dios hi mid pogpogna.



Matthew 8-9; Mark 1-2, 4; Luke 4, 8; John 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ifugao, Batad Bible (ifb) © 2018, Wycliffe Bible
Translators, Inc. All rights reserved.

<https://live.bible.is/bible/IFBTBL/GEN/1>

©2024 Bible for Children, Inc.

www.M1914.org

www.bibleforchildren.org

